

士女志卷之七

岷峨之秀龍鰲之精山川鍾毓世載其英經濟文章
孝友節義景仰前徽光昭天地志士女

宋

唐淹邑人少孤勤苦自奮嘉祐治平間有盛名學者
爭師之稱魯國先生應進士不第龍圖閣直學士
益昌陸誥薦於朝不報著有五經微旨三十卷春
秋講義三十卷辨三傳七卷大抵謂春秋有貶無
褒於傳注取二三策而已其學博而不雜制行和

丹棱縣志

卷之七

士女

三

而不流輕財好施子三瞻庚宋史有傳季子庾與
瞻並祀忠孝祠

唐庾淹仲子宋史文苑本傳字子西眉州丹棱人善
屬文舉進士為宗子博士張商英薦其才除提舉
京畿常平商英罷相庚坐貶安置惠州會赦復官
承議郎提舉上清太平宮歸蜀道病卒年五十一
庚為文精密通於世務作名治察言憫俗存舊諸
篇時人稱之有文集二十卷子文若自有傳省名
宦志唐庾宰閬中為政清肅公庭寂然又守綿州

有政績州人繪像於思賢堂按庚有眉山集二十
二卷附三國襍事二卷 國朝收入四庫又有三
謝詩一卷鬪茶記一卷彭志稱尚有賦詩十卷襍
文十二卷今未見

楊恂字信仲邑人元豐五年登進士第知廣都縣元
符三年日食求言與眉山家愿上書論時政甚切
直越三年同入黨籍邪下第五等其書以火不存
彭志邑有劉氏者亦以上書第邪等

楊明邑人讀書城東龜山遂自號龜山登進士第知

丹棱縣志

卷之七

士女

合州以清節著通志作眉州人東坡全集故人楊
濟父之子明字子微不遠數千里來見僕與子由
會子由有汝海之行僕亦遷嶺表子微追及僕於
陳留留連不忍去子微篤學有文自言知術數云
僕必不死嶺表

劉湜忠介公汲之弟也第進士以通仕即行蜀州晉
原尉湜兄弟少孤遵母徐夫人教甚力先後成名
顯於時鄉里重之唐庚誅其夫人曰大兒來歸里
門下車小兒來歸擁板以趨官學成矣繫而母且

云云

李中

唐宗

室曹王皋之後也皋子偲為武衛大將軍當

武氏時棄職入蜀來丹棱伏民間家焉偲五世孫
曰瑜明皇幸蜀上表得通屬籍尋拜長江令卒歸
於丹瑜四世曰遠遠二世曰同為始建令同生全
析居華陽為別支而在丹者十數傳至中以進士
知仙井監累遷朝奉大夫卒贈宣奉大夫子二長
燾次燾燾自有傳燾官遂甯治民寬厚凡無名之
賦悉奏蠲免不愧其父兄焉中孫曰屋字仲勤燾

丹棱縣志

卷之七

士女

三八

長子以汪應辰薦文行可應詔試賢良方正直言
極諫科官至秘書省正字尋遷著作郎兼國史實
錄院編修直言極諫多奏議朝論偉之嘗知遂甯
府政主簡靜而時發以剛果少有措置卒歸平恕
郡人宜之明太史楊慎曰宋之制策虛第一等以
待伊呂之流其入等者為蘇氏軾轍兄弟吳育范
百祿李廙終宋世僅五人然則廙與二蘇並列上
等其文行不可及哉

孫道夫宋史本傳字太冲邑人年十八貢辟雍時禁

元祐學坐收蘇氏文除籍再貢入優等張浚薦於高宗召對道夫奏願修德以回天意定都以繫人心任賢才圖興復以雪國恥上在越浚遣道夫奏事賜出身改左承奉郎再召對言漢中前瞰三秦後蔽巴蜀孔明蔣琬出圖關輔未有不屯漢中者今欲進兵陝右當先經營漢中荆南東連吳會北通漢沔號用武之國晉宋以來嘗倚為重鎮今守江當先措置荆南時至則蜀漢師出秦關荆南師出宛洛陛下親御六軍由淮甸與諸將會咸陽孰

丹棱縣志

卷之七

士女

三

能禦之上嘉納召試館職上諭宰相自渡江以來未有如道夫者除秘書正字權禮部郎官徽宗凶問禮儀多所草定遷校書郎出知懷安軍乞罷都運司以寬民力罷戍兵以弭亂階罷泛使以省浮費知資州宣撫鄭剛中薦其治行第一移知蜀中盜不敢入境遇事明了人目為水晶燈籠九年不遷蓋非秦檜所樂也以吏部郎中入對言蜀民二稅鹽酒茶額之弊上納其言除太常少卿假禮部侍郎充賀金正使金欲敗盟詰秦檜存亡及關陝

買馬非約道夫隨事折之使還擢禮部侍郎兼侍
講奏敵有窺江淮意上曰朝廷待之甚厚彼以何
名為兵端道夫曰金人身弑其父兄而奪之位興
兵豈問有名臣願預為之圖宰相沈該不以為慮
道夫每對輒言武事該疑其引用張浚忌之道夫
不自安請除知綿州致仕卒年六十六道夫居官
一意為民不可干以私仕宦三十年奉給惟置書
籍性剛直喜面折不容人之短或以此少之云

程掌字叔運邑人豪俊明辨紹興三年廷試第一歷

丹棱縣志

卷之七

士女

四

洋州觀察推官徒步杖策謁真德秀於浦城議論
時事悉中機宜著有雲歸鼓吹自由編等書行世
唐文若字立夫父庚文若少英邁不羣為文豪健第
進士分教潼川府給事中勾濤薦自代詔赴行在
既至而濤出不得見文若奏書闕下畧曰昔漢高
慢士四皓去之西鄙少廉恥之人光武禮賢嚴光
友之而東都多節義之士陛下屈萬乘之尊駐驛
東南兩宮將歸五路初復正宜市朽骨式怒蛙以
來豪傑與之共治甯遽惜此數刻之對耶書奏召

對改令入官通判洋州再判遂甯府會大水民多
漂死文若發庫錢募游者振活甚衆請於朝除田
租二萬一千頃免場務稅二十餘所築長堤捍水
自是無水患秦檜死上訪蜀士於魏良臣以文若
對二十六年以光祿丞召改秘書郎為文思箴其
畧曰於赫我皇兵既休矣兵休何如莫若治兵凡
千五百餘言自檜主和朝論諱言兵故文若以此
諷焉遷起居郎勸上收用西北人材以固根本上
深納之將命掌制會有為宣和執政請恩者為凌

哲所彈文若喜其直作禾黍詩美之被劾出知邵
州上屢為近臣言文若無罪可改近郡知饒州興
學宮減田租奇耗二萬石又請歲糴常平義倉之
粟十之三與民平市農末俱利而粟不腐遂以著
令加直敷文閣移知温州三十一年召為宗正少
卿金人犯邊文若求對首建大臣節制江上之議
上諭大臣以文若與虞允文杜華老馬驥才皆可
用復除起居郎諸將北出捷書日至上下有狃志
文若獨憂之圖上元嘉北伐故事曰願陛下深察

大勢趨策之長而避其短無循前代軌轍未幾諸軍退守金主自將圍大將王權於歷陽權遁淮南盡沒詔百官廷議文若建三策一請上親征二乞遣大臣勞軍三乞起張浚上未報文若尋面對上問曰計將安出卿熟張浚否文若曰浚守道篤學天下屬望今四十年天不死浚嶺海正為今日上矍然曰援浚者多非卿無以發此數日起浚知平江府蓋上以浚為忠愨然喜功將士多不附文若復言浚本以孤忠得罪尋改浚鎮建康云以起居

丹棱縣志

卷之七

士女

三

即兼給事中直學士院遷中書舍人上將內禪手詔追崇皇太子所生父文若以名稱未安白宰相請更黃堂吏不可文若執不已宰相以聞詔改稱本生親其後詔稱皇兄孝宗嗣位張浚以右府都督江淮軍事文若時以病請外除敷文閣待制知漢州尋改都督府參贊軍事浚使行邊按守備多所罷行者是冬金復大入官軍悉戍淮文若謂上游當嚴兵備以定民志奏藉鄉丁五萬訓練有法人倚以固解嚴和糴大起郡之數八萬文若以民

勞堅請得減十之三旋請祠章三上未報乾道元年卒年六十贈左通奉大夫著有遊菴文集三十卷周益公跋子西帖文若守九江適虜騎犯舒參用民兵備禦整暇方督匠刻東坡集人賴以安此亦安石之園基萊公之酣飲耶

樊漢炳邑人紹興進士歷官尚書以才望顯許奕有詩題墓所謂高志崢嶸局九州也著有南賓志序李燾字仁甫李中長子甫弱冠憤金甌未報著反正議十四篇皆救時大務紹興八年第進士調華陽

丹棱縣志

卷之七

士女

三

簿再調雅州推官改秩双流縣有張氏子居喪爭產者燾令歸思三日復來迄悔艾罷訟有不白其母而鬻產者燾置之以法豪強斂手燾恥讀王氏書獨博極載籍搜羅百氏慨然以史自任本朝典故尤悉力研覈仿司馬光資治通鑑例起建隆迄靖康為編年一書名曰長編史官以聞詔給札來上制置王剛中辟幹辦公事知榮州榮因溪為隍夏秋苦水潦燾築防捍之除潼川府路轉運判官入境劾守令不職者四人時多聚斂燾括一路財

賦額通有無酌三年中數定為科約上諸朝頒行州縣乾道三年召對首舉藝祖治身治家治官治吏典故以為恢復之法乞增置諫官許六察言事請練兵毋增兵杜諸將私獻覈軍中虛籍除兵部員外郎兼禮部郎中言中興祭禮未備請以開寶通禮嘉祐因革禮政和新儀令太常寺參校同異修成祭法四年上續通鑑長編自建隆至治平凡一百八卷五年遷秘書少監兼權起居舍人兼實錄院檢討官宰相虞允文以燾數言事不樂燾請

去除直顯謨閣湖北轉運副使陞辭以欲速變古為戒又奏禹貢荊州田第八賦乃第三人功既修遂超五等今田多荒蕪賦虧十八上命之條畫既至奏依乾德詔書止輸舊稅廣收募之術如咸平元豐故事勸課有勞者推恩詔從之總餉呂游陽入奏燾攝其事歲飢發鄂州大軍倉賑之僚屬執不可燾曰吾自任之不以累諸君尋如數償之游陽果劾燾專上不加罪八年直寶文閣帥潼川兼知瀘州葺石門堡以扼夷人奏乞戒茶馬司市叙

州羈縻馬毋溢額戒官民毋於夷漢禁山伐木造
舟奏移鎖水於開邊舊地皆報可淳熙改元乞祠
除江西運副奏日食地震皆陰盛主敵國小人不
可無慮且申無變古無欲速兩言又上快箴引太
祖罷朝悔乘快決事以諫上曰朕當揭之座右燾
為左史時嘗乞復行明堂禮其後周必大為禮部
尚書申其說卒行之權禮部侍郎七月雷震太祖
殿柱壞鴟尾有司修繕燾奏非所以畏天變上諭
大臣燾愛朕屢進讜言賜金紫嘗請太祖正東向

丹棱縣志

卷之七

士女

四十五

之位四年駕幸太學燾論兩學釋奠從祀孔子當
升范仲淹司馬光歐陽修蘇軾黜王安石父子武
成廟當黜李勣眾議不叶止黜王雱以執經轉一
官拜侍郎仍兼工部夜直宣引奏近者蒙氣蔽日
厥占不肖者祿股肱耳目宜謹厥與賜坐欲起又
留賜飲茶燾感上知遇論事益切每集議眾莫敢
發言獨條陳可否無所避以子屋為御史所劾語
連燾出知常德府奏澧辰沅靖四州各置治田募
弓弩手境多茶園聽其自售丐祠奉興國宮明堂

禮成以其首議復除敷文閣待制起知遂甯府七
年長編告成上降詔藏秘閣燾自謂此書甯失之
繁毋失之畧故一祖八宗之事凡九百八十八卷
第總目五卷依熙甯修三經例損益修換四千四
百餘事上謂其書無愧司馬先召對延和殿講官
方讀陸贄奏議因舉贄所言可行於今者數十事
勸上行之上有功業不足之歎燾曰功業見乎變
通人事既修天應乃至進敷文閣學士兼侍講同
修國史先是編徽宗實錄薦呂祖謙為檢討至是

丹棱縣志

卷之七

士女

四六

薦尤袤劉清之十人為史官嘗言內議陛下多服
藥罕御殿宮嬪進見無時浮費頗多上嘉其忠愛
曰朕老矣顧安得有此近惟葬李婕妤用三萬緡
耳遂轉對乞用祖宗故事乃宰相執赴經筵太史言
十一月朔日當食八分燾條上古今日食是月者
三十四事奏曰方潛陽時陰氣乘之故比他食為
重非小人害政即敵人窺中國明日對延和殿又
及晉何曾譏武帝無經國遠圖十一年乞致仕不
允命給事中宇文价臨問因叩价時事勉以忠盡

手劄贊減四川酒課口占遺表願經遠以藝祖為
法用人以昭陵為師卒年七十上嗟悼贈光祿大
夫諡文簡後累贈太師溫國公燾性剛大特立獨
行無姬妾愛玩不殖產篤嗜文字立朝正色以定
國論張栻嘗曰李仁甫如霜松雪柏著有易學五
卷周易古經八篇尚書大傳禘說一卷尚書百篇
圖一卷詩譜三卷春秋學十卷五經傳授圖一卷
說文解字五音韻譜十卷續資治通鑑長編五百
二十卷舉要六十八卷續宋編年資治通鑑十八卷

丹棱縣志

卷之七 士女

里

紹興日歷一千卷重修徽宗實錄二百卷考異二
十五卷目錄二十五卷四朝史稿五十卷思陵大
事記三十六卷阜陵大事記二卷建隆遺事辨一
卷論西南夷事一卷巽巖奏議四十卷七十二子
名籍一卷陶潛新傳三卷趙普別傳一卷記李稅
等十事一卷淳熙四繫錄二十卷記女真契丹起
滅七十二候圖一卷江左方鎮年表十六卷晉司
馬本支齊梁本支王謝世表唐宰相譜五代將帥
年表歷代宰相年表三十四卷天禧以來御史年

表諫官表續皇朝百官公卿表一百二十卷本朝
事始二卷科場沿革一卷宋政錄十卷集賢學士
拜賜帶典故一卷六朝通鑑博議十卷通論十卷
文簡公集一百二十卷子皇至塾壁皇按史載有
南北攻守錄三十卷今書目無之或因李壁之書
而誤也

李燾舊通志燾弟知遂甯治民寬厚凡無名之賦悉
奏蠲免

李屋宋史李燾傳子屋字仲信試賢良方正直言極

丹棱縣志

卷之七

士女

四

諫科燾嘗謂唐三百年惟劉去華不愧此科心慕
之命二子屋塾習焉吏部尚書汪應辰薦屋文行
可應詔故有是命屋既中制科為秘書省正字遷
著作郎兼國史實錄院編修官父子同柱史事播
紳榮之屋偶考上舍試卷發策問制科為御史所
劾朝野襟說足科六論題一曰明主有必治之道
二曰湯法三聖三曰仁者天地之心四曰歷律更
相治五曰三家言經得失六曰楊雄張衡孰優進
呈日上曰李屋程文亦好湯法三聖出功臣表而

屋以為諸侯王表却記得全文不差楊升菴文集
宋制策入等者惟蘇氏軾轍弟兄吳育范百祿李
屋五人而蜀居其四二蘇范李皆蜀人也

李至宋史李燾傳燾子至字叔厘夔州路提點刑獄
嘗重刊華陽國志其序曰古者封建五等諸國皆
有史以記事後世罷封建為郡縣亦必述之以圖
志蓋以疆域既殊風俗各異山川有險要阨塞之
當備郡邑有廢置割隸之不常至於一士之行一
民之謠皆有不可沒者顧非筆之於書則不著也

丹棱縣志

卷之七

士女

四九

周官職方氏掌天下之地圖辨其邦國都鄙夷蠻
閩五戎貉五六翟之人民與其財用之數要至於九穀
之所宜六畜之所產亦未嘗不佔畢而紀其詳况
夫環數千里之地分城置邑殆踰數十中間時異
事變往往裂為偏方霸國其理亂得失皆闕天下
大故安可使放失而無聞乎晉常璩華陽國志之
作所以有補史家者流也嘗考其書部分區別各
有條理其指歸有三焉首述巴蜀漢中南中之風
土次列公孫述劉二牧蜀二主之廢興晉太康之

混一以迄於特雄壽世之僭竊繼之以西漢以來
賢人梁益甯三州士女 總讚序志終焉其三者
之中於一方人物尤致深意雖佚離之氓賤俚之
婦苟有可取在所必錄尤足以宏宣風教使善惡
知所勸懲豈但屑屑於山川物產以資廣見異聞
而已乎本朝元豐間呂汲公守成都嘗刊是書以
廣其傳而載記荒忽刊缺愈多觀者莫曉所謂予
每患此久矣假守臨邛官居有暇博訪善本以訂
其誤而莫之或得爰撫兩漢史陳壽蜀書益部耆

丹棱縣志

卷之七

士女

五

舊傳互相參考以決所疑其詞意重複句讀錯落
者則刊而正之或字譌而文理明白者則擇取之
其他旁搜遠証求通文義者又非一端凡此皆有
明驗可信不誣者若其無所考據則不敢臆決姑
闕之以俟能者然較以舊本之訛謬大略十得五
六矣

李塾宋史李燾傳壽字李垺中制科近臣復舉塾應
試以閣試不中程黜朝野雜記李仲信之弟塾復
舉賢良方正南士多嫉之近習貴璫亦恐制策之

或攻已也共沮止之是科六論一曰因者居之綱
二曰易數家之傳孰優三曰動靜歷法多差四曰
十二郎備如何五曰五學本賈民六曰動靜繁寡
如何考院言試卷內多有不知題目出處有僅及
二通者上命賜束帛罷之周益公皆放罪或曰故
事六題一明一暗是時錢師魏與周李諸人異趣
所命多暗題云

李壁宋史本傳燾子字季章少英悟日誦萬言屬詞
精博周必大異之燾自舉於孝宗以為可用初蔭

丹棱縣志

卷之七

士女

五

入官第進士召試正字甯宗徙著作郎權禮部侍
郎兼直學士院與尚書受命使金披露肝胆以釋
金人之疑侂冑銳意出師論襄陽形勢欲待敵先
發而後應之侂冑不可壁度力不能回乃入奏自
秦檜倡和使父兄百世之讐言不復聞於臣子之口
今廟謀未定士氣浸衰苟非激昂曷克丕應臣愚
以為宜極貶秦檜示天下以讐恥必復之志疏奏
秦檜坐追王爵議者謂壁不論檜之無君而但指
其主和其言雖公特以迎合侂冑用兵之意而已

侂胄召葉適直學士院草出師詔適不從乃屬壁其畧云天道好還中國有必伸之理人心效順匹夫無不報之讐含垢納汚在人情而已極聲罪致討屬彼運之將傾兵出有名師直為壯言乎遠言乎邇孰無忠義之心為人子為人臣當念祖宗之憤由是拜禮部尚書參知政事金遣使來示和意邱崇以聞壁貽崇書俾遣小使致書求金成金帥報書以用兵首謀歸咎侂胄侂胄大怒不以和為意壁言張浚以討賊復讐為已任時勢未集亦權

丹棱縣志

卷之七

士女

五三

宜就和苟利社稷固難執一侂胄不聽以張巖代崇壁力爭言邱崇素有人望侂胄變色曰方今天下獨有一邱崇耶敗後侂胄覺為師旦所誤壁窺其意向乃極言師旦怙勢招權使明公負謗宜竄之以謝天下郭倬李汝翼憤軍誤國宜誅之以謝淮民皆坐貶殛吳曦誅議用重臣宣撫壁薦制使楊輔副以安丙及丙殺楊巨源輔恐召變舉劉甲自代侂胄疑輔避事壁曰昔孝宗聞吳璘病詔汪應辰權宣撫事蜀賴以安此故事也遂命甲代輔

方信孺北歸言金人欲縛送侂胄侂胄忿甚會史彌遠謀誅侂胄以密旨告壁及錢象祖欲奏審壁言事留恐洩侂胄迄誅壁兼同知樞密院御史葉時論其反覆詭譎削三秩謫撫州俄復官奉洞霄宮越四年除端明殿學士知遂甯傳檄諭降潰兵張福適官軍挑戰賊忿燔城壁馳書大將張威使調嘉定黎雅砦丁牌手來會威欲乘夜火攻壁曰攻則多殺士卒授長圍法斷賊汲路糧道賊遂平引疾奉祠卒贈資政殿學士諡文懿壁嗜書如饑

丹棱縣志

卷之七

士女

五三

渴羣經百氏搜抉靡遺於典章制度尤綜練為文雋逸著有雁湖集一百卷清塵錄三卷中興戰功錄三卷中興諸臣奏議四百五十卷內外制二十卷南北攻守錄五十八卷援毫錄八十卷臨汝閒書一百五十卷王荆公詩注五十卷壁父燾弟直皆以文學知名蜀人比之三蘇云

李真舊通志字季允燾少子淳熙元年與兄壁同第進士入館職慶元中知夔州愛民惠士為沅江制置副使開閩鄂州甚得江漢心嘗請復五關之險

入為禮部尚書資政殿學士請以周程朱張從祀
孔廟而黜王安石上從之端平二年旋乞歸上不
允賜以詔云朕始躬萬幾靡遑他務迪籲耆俊共
圖康功卿作我恭先為時特起言論有偉聰明未
衰而陳誼再三繩以禮律朕惟七十而致君事特
其大闕耳若耆耄好禮耄期稱道有不得謝則不
以齒為限也書不云乎罔或者壽俊在厥服予則
罔克尚安厥位毋駿爾行嘉熙元年同知樞密院
事宣撫四川二年六月卒諡文肅明邵經邦宏簡

丹棱縣志

卷之七

士女

五

錄嘉熙元年代桂如淵宣撫四川奏蜀漸次收復
然創殘之餘撫綏為急宜降德音釋見繫囚貸流
民牛種淮西被兵之處亦如之二年督視荆湖軍
馬發行都并湖廣會子百萬犒師按皇著有悅齋
集固陵錄公侯守宰士庶通禮三十卷十朝綱要
趙鼎行狀三卷續補漢官儀一卷續補漢官典儀
一卷續帝學一卷

宇文价邑人第進士官給事中與李燾同朝遇事敢
言孝宗以為有直臣風

唐輅周益公題跋文若子輅字德輿亦能文進德壽
宮慶古賦後省第入甲等乾道中由大理司直通
判漢州淳熙十三年冬提轄榷貨務高宗上仙獻
噴議論稱祖破禮官之說又及巷市七日事孝宗
下其議會御史察洪翰林邁議稱祖非是洪家居
待罪孝宗曰議禮如聚訟何嫌異同於是禮官竝
疏輅失言給事亦乞罷輅復判隆興府予嘗與立
夫同僚相善又惟文士子孫能世其家如唐氏者
未易多得故傳其事於上舍游居所藏帖之後使

丹棱縣志

卷之七

士女

五五

修史者有考焉輅今為利州守

彭叔融邑人字百川著太平治迹統類七十三卷陳
振孫曰百川略用袁樞記事本末例為前集四十
卷中興後事為後集三十三卷

明

宋文翼字怒飛邑人明末貢太學大司成器之除蜀
王府長史流寇亂蜀中戒嚴巡撫陳士奇巡按劉
之渤以文翼有經濟才授以監軍事運籌糧餉守
禦有方人心賴以鎮定成都陷入山不復出以節

操著年八十卒

國朝

彭萬崑明末人通志號玉吾慷慨有大志以濟困扶危為己任歲旱貸粟於鄰人朱翁翁善鑑奇之曰逆宦擅權盜賊擾亂能捍此方者必君也指困粟遺之甲申之變眉有鉄脚板丹有蕭永道萬崑團鄉勇防禦盜不敢近獻逆遣假子劉文秀屠川南營丹邑城外萬崑歛賊覘動靜與健勇七人俱裹甲藏刃牛酒至營意氣自若從人刀墮地賊縛之

丹棱縣志

卷之七

士女

五十六

帳下詰以故萬崑從旁應曰某等路防盜劫無他意也某僅八人何能為賊釋之暗據要隘為備賊旋去當是時丹東南北諸村殘害幾盡獨其鄉安堵如故邑中避賊者多歸焉大軍既誅獻賊其黨郝承裔據黎雅叛由青衣江破洪雅夾江下嘉陽制軍李國英問軍中誰能探賊虛實者或舉萬崑張應試召詢之因請大軍揚言出邛而以奇兵襲之傳言賊喜僧遣幹僕削髮易衣潛探路還報制軍分兵兩道尅期暗應使前軍佯敗賊悉衆來奇

兵突入豎旗鳴鼓火其巢夾擊之斬郝承裔餘遂
降制軍給以都督僉事劄付辭不受遭賊亂人不
得耕大旱斗米數千錢萬崑設粥廠於通衢就食
者日益衆又擇膏腴地種芋黍稗以繼之年八十
八卒按彭端淑萃龍山記稱玉吾判簡州而此傳
未之及

彭忠字亮工沈靜寡言少羸弱父母憐之不強以書
性嗜學善詞章與諸生朋試輒冠軍屢困場屋以
明經終

丹棱縣志

卷之七

士女

五七

彭璋忠弟字奉君為諸生痛自刻勵虛已下人洪雅
文百朋有盛名負笈往從出篋中文相質遂訂交
以鄉舉授保縣教諭薦擢知雲南富民縣攝新興
州前牧任新興遭民變疑孝廉某昆弟所使欲迫
致之璋力白其誣遂寢憂去服除授福建南靖縣
明斷有賢聲上官嘉其能俾攝龍溪海澄諸縣事
年六十四卒於官

彭珩字楚錫長八尺善騎射性闊達日擲百金家人
與以生業則曰丈夫各有志安事此假遊學亡去

家人求得之中武鄉舉赴都裝數百金中道散盡
不試而歸驅令効力撫標稱職將官之歎曰人生
貴適志耳安能局促若轅下駒耶亡去不知所之
越十餘年父卒是日忽至悲哀成禮既葬復亡去
後有見者云年八十矣鬚眉雪白而矍鑠如少年
徒步百里不倦黃冠草履往來名山古剎中不知
所終

彭珣字東璧少聰敏有幹略為諸生覃思冥悟通貫
六經尤邃於易為文簡樸不肯諧俗絕意進取游

丹棱縣志

卷之七

士女

五

滇黔吳越齊魯燕趙間歸老三溪潛心易學集古
注之精者自馬鄭以下數十家訂為一編名易百
家注凡六卷學者稱三溪先生終明經

彭端淑字儀一號樂齋十歲能文第進士授吏部主
事湛深經術與弟肇洙遵泗俱以文章知名時稱
三彭蔡寅斗胡天游竇光胤鼎等皆推重之由郎中
擢廣東肇羅道以清慎自矢凡巡邊及盤察騶從
不過一二人所至禁州縣迎送察吏胥極嚴弊悉
絕民間有不便處務更正使之相安省中積案三

千餘件制府委之審理開誠布公不逾月咸結修
省城書院延明師月課親為指授士風丕振督粵
西運米舟行海隅失足墮水如有物負之脫於險
告歸主錦江書院造士尤衆年八十一卒著有白
鶴堂詩文稿四卷粵西紀草一卷雪夜談二卷曹
植以下八家詩選若干卷蜀名家詩抄二卷

彭肇洙字仲尹端淑弟與兄同榜進士由刑部主事
轉御史著有撫松亭遺編二卷竹牕巽言若干卷
彭遵泗字磬泉肇洙弟領雍正乙卯科鄉解第進士

丹棱縣志

卷之七

士女

辛九

由庶吉士改兵部主事仕至江防同知長於古文
著有蜀碧一書記明季獻賊入川事采入四庫又
有丹溪遺稿二卷

彭端澂字子徹穎悟絕人十言立就鄉舉後任山東
棲霞縣親督役捕蝗蝻值訟者即憩樹下決之蝗
滅而訟亦清憂去服除補黃安縣盜不敢入境民
咸頌之以事忤大府大府使人伺其過三反無有
也卒誣劾之歸里逾年卒

彭蕙芟字樹百號田橋生而奇穎博涉經史尤工詩

乾隆己卯舉優貢入都就京兆試時教匪蹂躪秦
蜀兵燹甫靖蕙支券驢入棧撫時感事作棧行襍
詩三十首人爭誦之庚申舉於鄉至京紀尚書酌
延館其家以疾卒著有鷗夢軒詩集十二卷
韓兆瑞字嘉徵號鵝山性至孝晨夕不離親側而學
業輒日進試屢冠軍嘉慶戊午鄉舉後司鐸碁江
隆學校建考棚伍氏弟兄連取高第文風大振皆
其教也告歸足不履城市以壽卒著有南平閒詠
鵝山文稿若干卷

丹棱縣志

卷之七

士女

卒

李昶元號竹山幼穎異十二學為文蒙邑令高士魁
洪邑張霞泉賞識召致門下後以古學受何學憲
一山知入邑庠旋為支少鶴學使拔置優等食餼
咸豐初邑宰陳埴舉公孝廉方正力辭不就己卯
舉於鄉聯捷成進士分工部主事是秋告終養回
籍以母早棄世未獲祿養乃家居侍封翁晨夕不
遠出明年封翁卒哀毀盡禮服闋遭蜀亂歷主講
冶官婆日漢嘉各書院戊辰黔撫曾璧光函召至
黔襄贊軍政叙功保直隸州留黔補用庚午檄署

湄潭縣知縣履任後倡修城垣衙署工未竣調黔西州因士庶攀留不果往適號匪通苗糾萬餘人作亂公招募團勇請兵大府為禦敵計調開州甕安施秉餘慶四州縣鄉兵秘授機宜擒首逆張占元斬之招撫餘黨湄遂平壬申秋赴鎮甯州本任時回匪肆擾官兵勦新城公辦防堵盤獲賊首保文海八人官兵擁眾來奪勢甚洶洶公猝斬之咸散去賊據扁担山為老巢以竹子壘為門戶周軍門駐州勦辦因地險壘堅圍四月進攻無策求計

丹棱縣志

卷之七

士女

三

於公公曰是不可以力取也當以義動之帥百餘人親入賊巢開諭百端悚以利害任三日調為首十餘人下山隨遣官兵乘勢焚其巢擒偽國師王陽德勦撫兼施八閱月而回匪平叙功以知府用遇缺即補賞戴花翎公請咨引見回川道憲曾及岑林二宮保屢函召致公以老辭不復出掌巽崖及眉山書院造士猶多公為政以教養為先所至有聲故漢苗悉愛戴之兩校鄉闈得兩解元黔中傳為盛事著有修竹山房詩草行世

羅驥字承之邑西柏木礮人為廣元教諭羅挺秀之孫幼隨父瑞菴讀書學廡有大志應童子試輒冠軍入邑庠寄居成都就成都蒼溪榮縣幕司書記因辦省城團防出力以增生保舉訓導同治二年蔣少園觀察重其才招赴陝西司筆札旋奉劉撫憲調參軍務收復漢南保知縣嗣以攻勦蔡啓各逆克復階州附片奏保留陝補用後以勦滅捻回叙功保俟補缺後以同知用七年請咨引見九年六月奉檄署鳳翔縣適賊至守禦有方力保危城

丹棱縣志

卷之七

士女

十三

事平調署甯羌州補褒城縣所至重蠶桑興水利民懷其德謂其桑曰羅公桑謂其堰曰羅公堰光緒元年調長安左宮保邵撫臺俱以羅青天呼之其見重上游如此尋保俟補同知後以知府用二年拔補南鄭赴任後時值荒旱飢民徧野賴公設法賑救得以轉危為安俸滿開缺告歸修墓回丹時猶步行入城如寒士居二年卒墓葬羅溝煙墩

山

劉建勛字墨池為諸生時每以氣節自許咸豐庚申

秋遭藍逆亂帶團禦賊賊圍城時勛語劉令運開
曰事急矣當固軍以守其濟則閭邑之福不濟願
與君以死繼之令謾應之曰可及城潰令懷印潛
逃勛揮眾巷戰因寡不敵眾為賊所獲賊聞其才
欲降而用之勛怒目張胆大罵不屈賊遽殺之臨
死罵不絕口事聞於上嘉其以死勤事賜廕襲入
祠勛有子光鼎入邑庠其福正未有艾也

張希聖邑人

國朝監生父心巽病篤醫不能治希
聖割股和藥以進遂愈延十年父乃卒

丹棱縣志

卷之七

士女

十三

彭元壽邑人

國朝諸生母病癱危篤元壽割股進
遂痊乾隆戊戌夏方在書舍或以母病告元壽亟
歸時溪水驟漲宅外有獨木橋過之失足溺焉

耆壽

黃起修

嚴漢儒

李德元

李陞元

朱宗瑄

伍清彥

毛秀榮

徐崇偉

李純福

李維垣

黃國華

梁龍石

郭時壽

彭萬頃

羅正選

吳道南

劉公川

李子材

李朝龍

吳正宗

祝應坤

何元泰

羅萬金

邵金鑑

建有百歲坊

黃開統

邱玉文

以上俱同治年請給一
丁侍養賜予九品頂戴

顧天舉

徐彩山

曾孝經

廖洪林

傅秦國

毛永槐

齊國友

駱文貴

以上俱光緒年請給一
丁侍養賜予九品頂戴

謝能鏡

孫玉清

附

謝齊氏

列女

宋

史夫人眉州青神人曾祖著嘉州軍推官祖昭吉大

丹棱縣志

卷之七

士女

六十四

理寺丞父及進士歸魯先生唐淹嘗曰吾不逮事

舅姑夫如父也治飲食進必侍立須徹饌乃去或

者過之而夫人不改先生喜賓客重然諾視金錢

如泥無多寡費盡乃已竟坐此貧而夫人處之怡

然自得先生有言吾六歲而孤勤苦立取名於時

豈有父兄教哉以是未嘗督三子學而夫人躬課

讀至夜分乃寐率以為常先生疾劇夫人焚香祈

天願以身代先生疾旋瘳夫人竟卒初夫人之祈

死先生疾革不知既卒諸子以事聞先生哀甚為

詩以哭之三子曰瞻曰庚曰庚

徐夫人其先京兆人唐末避地來家丹稜自考以前無仕者夫人幼穎悟年十二喪所恃能順事繼母無毫髮閒考為人嚴重左右莫敢仰視夫人侍側輒怡然解頤家人因以白事年二十歸劉舅姑得之喜委以家政方是時劉氏累世好施家事蕭然夫人既專內事雖細務必親之規畫處置悉有法度未幾劉氏復振舅姑既沒父母春秋亦高嗣子早喪夫人奉養葬祭能盡其道姪有少孤從其母

丹稜縣志

卷之七 士女

六十五

嫁夫人取置諸子閒摩頂撫育無輕重厚薄卒為婚媾能自立乃已課二子讀書甚力既而二子皆第進士元符三年長子汲為合州司理參韞夫人以行是歲卒於官舍年五十二少子湜登科時夫人歿五年矣汲後守鄧州死金人之難

國朝

貞孝婦何羅氏

貞女羅么姑

貞女宿貞姑

烈女王九英負性堅貞賊至恐辱服毒死
劉張氏張胡氏女也因遭強暴守正不汙節烈可嘉
受旌表焉

白宋氏藍逆之變為賊斫身竟死焉

方外

唐

僧可朋五代時邑人披緇竹林寺與盧水部延讓為
風雅交好酒自稱醉禿邑令歐陽炯契之曰此賈
島流也楊升庵嘗云唐世詩人射洪陳子昂彭明

丹棱縣志

卷之七

士女

李六

李太白丹棱僧可朋不相上下昔人欲哀集三人
詩為一帙未果知者惜之有詩千餘篇號玉壘集
炯常納涼淨衆寺與同僚依林亭列尊俎歡飲寺
外耕者暴背烈日中擊鼓耘田不得休朋作歌諷
之歌見藝文炯聞遽徹飲人稱可朋善諷歐陽善聽云
洞庭詩水涵天影闊山拔地形高寄齊已詩雖陪
北楚三千履多話東林十八賢贈友人詩來多不
似客坐久却垂簾又有虹收千嶂雨潮落半江天
詩因試客分題僻基為饒人下子低按以上四句

宋
劉貢父詩話作閩僧朋多詩淨衆乃成都寺名彭志以為烟令丹棱之証殊誤丹鉛錄稱陳詠僧可朋皆蜀丹棱人不為無據

僧心道一統志丹棱徐氏子居大別山太平興國寺宋建炎中鍾相之叛其徒欲奉師南去心道曰學道所以了生死何避焉賊至舉槊刺之血皆白乳賊驚異去

僧玉泉舊通志宋丹棱王氏子依大力院出家元豐

丹棱縣志

卷之七 士女

二十七

間張無盡奉使京西南路謁之請開法於郢州人稱承皓禪師

明

胡子儀彭志大足人明建文時兄子昭以刑部侍郎與方正學同死靖難子儀官山東按察按僉事聞之棄官隱於丹棱生二子撫之曰吾兄無子天不絕胡氏二子當免於難有懷鄉詩云一區廢宅棠山下半畝方塘夕照中鄉國匪遙山自遠乾坤雖大足難容劉應箕忠孝節記稱其聲意悲涼蓋有

得於凡之教而伯仲齊鳴者也

張咸名山人明末諸生放浪不羈久客丹棱言人禍
福竒中邑有乞丐患瘋疾咸吐沫使啖之立愈好
酒醉後以帚浸墨汁作大書盤結回環有虬龍之
勢又好澠澠必倒行印痕皆成字宿旅店主人厚
遇之臨別曰當報汝以澠澠高數丈達屋脊觀者
駭怪數日市火延燒殆盡至澠處忽滅後由重慶
蒲團渡江不知所終

國朝

丹棱縣志

卷之七

士女

六

羅節國朝邑道士有異術結茅盤陀山引虎自衛時
久旱令延節祈雨節取雞卵百餘登壇擲之每擲
輒應以震雷俄電光繞壇雷大震節仗劍大呼曰
有臟官汙吏剝削百姓者有不孝不弟欺害善良
者盡擊之眾失色忽墨雲布空大雨如注令進城
水深三尺視節衣履乾燥如常初擲卵時人訝其
不下後知盡入節家然去邑三十餘里矣邑人稱
其山為羅觀頂云

陳益市民也康熙時為里甲保戶代民輸公錙銖不

枉一日外出遂不歸後有人於東南山中見之益
呼曰識南街陳益否歸語吾妻子勿吾望矣言訖
騰樹而去

毛女仙民家子嫁有日矣忽失所在後二年有見於
竹林寺山者飛樹杪捷如鳥徧體生毛叩其故曰
食松子耳

按楊岱楊岐楊崑惟見兩村詩話縣志並無其人
方外尚有爾朱真人成都人楊正見眉州人成無
為蒲江人僧海智簡州人均見通志例不載入

